

Radio Emergency Program – Child Protection

SCRIPT 1

TARGETS:	PRIMARY: Children SECONDARY: Parents and adults	
SFX	Audio	Voice instruction
INTRO SFX Emergency warning or sound of wind and rain.	INTRO SFX ends Hey ol pikinini!	A fun adults voice
Fun background music throughout	Long taem blong wan disasta hemi wok blong yu blong save WEA PLES FAMILI BLONG YU I STAP... Stap kolosap long family blong yu oltaem. Sapos yufala I no stap tugeta, yu mas save wea ples family blong yu I stap.	A child's voice
	Mo hemi wok blong yu blong mas TALEMAOT LONG FAMILI BLONG YU WEA PLES YU STAP LONG HEM...	A fun adults voice
	Mekem sua se family blong yu I save: • Wea ples yu stap • Wanem yu stap mekem • Yu stap wetem hu • Mo wetaem nao bae yu go bak	A child's voice
Background music ends	Yu mas stap sef oltaem long taem blong wan disasta mo traem blong tingbaot ol ansa blong ol kwesten ia. YUSAVE WEA PLES FAMILI BLONG YU I STAP? FAMILI BLONG YU I SAVE WEA PLES YU STAP?	A fun adults voice Child voice Child voice
	Mesej ia I stap kam long yu tru long Ministry blong Jastis wetem sapot blong UNICEF	Announcer's voice

SCRIPT 2

TARGETS:	PRIMARY: Parents and adults	
SFX	Audio	Voice instruction
INTRO SFX Emergency warning or sound of wind and rain.	INTRO SFX ends Long taem blong wan disasta bae ol pikinini I lukluk long ol bigman long saed blong proteksen, luv mo kea	Announcer's voice
Serious background music throughout	Yu mas mekem ol samting ia blong mekem se ol pikinini blong yu oli fil sef oltaem mot u I gat proteksen blong olgeta: • Soem mo talem aot long olgeta se yu lavem ol. • Toktok wetem olgeta mo askem olgeta blong tokbaot eni samting we maet I mekem oli wari o no hapi long hem. • Yu mas save wea ples oli stap. • Mekem sua se oli save wea mo hu nao oli save go mo askem help long hem.	Announcer's voice Adult voice 1 Adult voice 2
Background music ends	Nomata we kakae, wota mo sanitesen oli ol prioriti samting long taem blong wan disasta, yumi mas tingbaot tu seffi mo proteksen blong ol pikinini blong yumi. Mesej ia I stap kam long yu tru long Ministry blong Jastis wetem sapot blong UNICEF	Adult voice 3 Adult voice 4 Announcer's voice

PROTEKSEN...hemi risponsibiliti blong everiwan.

Taem wan disasta i kasem komuniti blong yumi hemi impoten blong yumi kam tugeta blong fesem ol jalens we bae yumi go tru long hem.

Hemi isi nomo blong yumi stap foketem mo no ting hevi long olgeta we oli moa vulnerable long komuniti blong yumi long taem blong wan disasta. Nomata we kakae, wota mo sanifeisen oli ol stamba samting long taem olsem hemi impotent tu blong yumi tingbaot sefti mo proteksen blong ol pikinini blong yumi mo ol narafala vulnerable grup long ol komuniti blong yumi.

Hemia sam samting we yu save mekem blong protektem everiwan long komuniti blong yu wetem luv mo kea long taem blong wan disasta.

- Mekem sua se ol olfala, ol single mo ol woman we oli gat bel mo tu olgeta we oli disable oli save gud long situeisen we yumi fesem mo tu oli save hu nao oli save go luk blong kasem help. Askem olgeta blong lisin long ol ofisol woning mo folem ol toktok we i stap kam long ol ofis olsem dipatmen blong Meteo, Nasonal Disasta Manejmen Ofis (NDMO) mo Tafea Provincial Ofis – hemia bae i mekem olgeta oli filim se i gat ol man we oli stap oltaem blong lukaotem olgeta long ol kaen taem olsem.
- Toktok mo lisin oltaem long everi memba blong komuniti blong yu. Askem ol man blong toktok wetem fren blong olgeta sapos oli wari o fraet long eni samting. Lukluk gud long ol pikinini mo ol yangfala mo askem olgeta blong tokbaot eni sikret we oli gat wetem eni bigman we oli trastem.
- Soem long famili blong yu se yu kea mo talem aot long olgeta se yu lavem olgeta. Askem olgeta tu blong mekem sem samting long ol nara pikinini. Givim sapot long eni wan we i nidim help mo kasem help mo advaes long ol fren, ol famili, jif mo tu long ol narafala komuniti mo joij lida long komuniti blong yu.
- Yu mas save wea ples nao ol pikinini blong yu oli stap long hem. Lukaotem gud ol pikinini blong yu everi dei. Sapos yu nid blong mekem wan samting we bae pikinini blong yu i no stap wetem yu, mekem arenjmen wetem eni wan we yu trastem blong lukaotem famili blong yu taem yu no stap.
- Sapos wan fren o famili i talem aot se hemi harem nogud, oli abiuem hem o tekem advantage long hem, yu mas lisin long hem mo halpem hem blong tokbaot situeisen blong hem long wan narafala man we i save stretem isiu ia o i save tekem ap wetem narafala man we i gat moa atoriti...

HU LONG KOMUNITI BLONG YU NAO I GAT ATORITI BLONG DIL WETEM OL KAEN ISIU OLSEM?

--

Halpem ol pikinini blong oli protektem olgeta?

Hemia TUFALA STAMBA KWESTEN LONG SAED BLONG PROTEKSEN we yumi save tijim ol pikinini blong yumi blong oli askem long olgeta bakegen long taem blong wan disasta. Ol ansa blong tufala kwesten yia bae i save halpem olgeta blong kipim olgeta i sef oltaem:

1. YU SAVE WEA PLES FAMILI BLONG YU I STAP?

Stap kolosap long famili blong yu oltaem. Spas yufala i no stap tugeta, yu mas save wea ples nao famili blong yu i stap.

2. FAMILI BLONG YU I SAVE WEA PLES YU STAP?

Yu mas talem aot long papa mo mama wea ples yu wantem go long hem, bae yu mekem wanem, bae yu stap wetem hu mo wetaem nao bae yu kam bak.